

唐伯虎先生外編續刻卷之十



吳趨唐

寅伯虎



同郡何大成君立輯

序

作詩三法序

詩有三法章句字也三者為法又各有三章之為法
一曰氣韻弘壯二曰意思精到三曰詞旨高古詞以
寫意意以達氣氣壯則思精思精則詞古而章句備
矣為句之法在模寫在煅煉在剪裁立議論以序一

事隨聲容以狀一物因游以寫一景模寫之欲如傳
神必得其似煅煉之欲如制藥必極其精剪裁之欲
如縫衣必稱其體是爲句法而用字之法寔行乎其
中妝點之如舞人潤色之如画工變化之如神仙字
以成句句以成章爲詩之法盡矣吾故曰詩之爲法
有三曰章句字而章句字之法又各有三也聞讀詩
列章法於其題下又摘其句以句法字法標之蓋画
虎之用心而破碎滅裂之罪不可免矣觀者幸恕其
無知而恰其愚蒙也

送陶大癡分教撫州序

陶大癡先生老且貧仕又不達故人知己多親貴者
存念之爲之推薦得轉官一階自南昌司訓往教諭
崇仁旣領檄買船載書使厨奴負鼎俎僕牽狗挾被
與之灑然而行若無家之人往僦室以居者唐生於
先生號知己餞之章江之上酌酒相別喟然爲之嘆
息曰嗟乎仕爲貧而仕仕又不能免於貧斯烏在其
爲仕也士賴故人知己之推薦而後達舉之而又不
達斯烏在其有故人知己也士不仕仕又無故人知

唐伯虎詩集卷之二
已者爲之薦達則其貧而老也固宜若先生豈宜此
耶豈所謂故人知己者知先生有未盡也知之未盡
則棄絕之而已何爲而致之若是其且困也若先生
仕得苞苴之譏爲故人知己者辱則知爲知己者將
變其素所厚而爲薄矣安肯爲之薦達也哉薦之而
又不改學職此蓋知先生之素其志高有不能僥倖
勞頓於簿書期會之間不若席賓師職禮樂雍雍雅
雅居然處於揖讓之表以供其老爲優也是則先生
之所以答故人知己者惟恐貧而不至於劇故人之

所以厚先生者惟恐以簿書期會爲之勞瘁也余有
故人其顯達者較於先生不少而貧益甚流落江海
以稅自資雖囂然不屑仕進而亦竟無一言以及之
者意其亦以厚於先生爲予厚耶抑其言行文學不
足道也言行文學固不及先生然而言不失口於然
諾行不失步於詭隨文章奇塊學識疎達蓋踰於跣
跣之士多矣此其自許如此而先生乃許之爲東方
曼倩之流竊猶以爲於已知者有未盡而羞之然不
可謂之爲不知已也以知己而別知己於貧困道塗

流落之間能不悉以彼此故人知己之所厚薄者相
為道哉故序

送徐朝咨歸金華序

徐君朝咨來自金華宴蘇之治省太夫人與兄吳
公也數日飾裝將還姪子重哀吳之善詩者為詠
言以贈行橐而俾予志其首余少讀潛溪先生所著
書深歎伏其根本仁義鼓吹禮樂以為一代儒宗及
南游金華見其鄉士大夫皆彬彬尚寔古樸大雅有
潛溪之遺風焉正德丙子郡公自臺端來蒞是邦三

月而政成凡勢家豪族漁獵其民者皆屏息斂手貪
墨之吏悉改行而仁義禮樂之教煥然大備朝咨君
又不遠千里來展定省忠孝薦厚之誼不待歌詩而
見而潛溪之風蓋有驗矣朝咨君少精壁經著聲場
屋間天性誠篤峭整他日繼郡公軌範上弼唐虞下
阜民物沛仁義禮樂之教於天下則知金華士大夫
之學業遠有自云

記

許旌陽鍊柱記

天地開闢而有陰陽負陰抱陽人民與龍蛇魑魅並
生其中揉雜不分妖厲爲害黃帝氏興戰蚩尤於阪
泉而滅之而後天地定位神禹繼作紂庚辰鎖無支
祈於龜山之足淮水乃安鑄爲九鼎以辨神奸民而
後龍蛇魑魅之患息然其緒緒之傳莫示先受精一
之道而後禪邦國之位抱精守一蓋所以通天地之
神靈建邦立國蓋所以阜民物之生命及乎聖跡緜
遠世德衰微天地艸昧陰陽亂淆攀胡之號莫繼其
齊斲指之鼎亦濟於河而所謂妖害者無可忌憚騁

馳淫毒以害民生凡有中區靡有寧止旌陽君生於
其時修精一之道以達天地之神靈遂誅龍蛇以安
江流馘魑魅以定民生鑄鍊柱以鎖地脈玄功告成
神道昭契乘風上征合瑞紫宮以續黃帝神禹之傳
而延民物之命而續懋著惠澤迄今蓋天地之間一
陽一陰陽之好生而陰好殺故陽爲德而陰爲刑凝
德爲神淫刑爲怪是故神爲高明怪爲幽厲環旋升
降相爲始終陰陽和暢則神安怪息陰陽兩極則神
怪竝馳然而獨陽不生獨陰不成陰陽神怪長爲表

裏故黃帝之與蚩尤神禹之與無支祈許真君之與蛟精皆竝生一時蓋陰陽兩極而爲神怪也故有至怪之變生有至神之聖出以御之設使特生蚩尤無支祈與蛟精而無黃帝神禹許真君則天地之間陰陽偏滯而人類幾乎其息矣

正德甲戌余過豫章躬覩君跡竊嘆真君道合黃軒而配神禹世無正論爰就荒唐欲明斯理輒譔爲証敘刊之負礎以示將來云

荷蓮橋記

邑多賢士大夫則多賢令尹令尹之卽職也爲最親民民爭甚夥一有不便而尹或莫之知者則相聚以尤焉非其邑有賢士大夫輔翼之以補綴缺少則尹雖賢固難免於民之尤之也進賢南昌屬之大者自宋崇寧中立治抵今歷歲若干邑之以賢稱者不絕班輩多賢士大夫相爲之輔翼民有不便輒相與以補綴之必致其尹以賢稱於邑而後已邑之東南區爲饒位出水之會水將北趨番陽其未達也滙而爲波涇灤而爲河淡宕然而爲沮洳七八月之間潦民

未有不憂涉者以車則膠輪以騎則踐魚鱉之居而質戴者分重負者兼舉而尹莫之知也內相喻公某至而見焉曰是爲不便於民之大者不治民將尤吾尹乃爲石梁於其上以便涉凡用若干金夫修輿梁成徒枉尹職之夥者或未之知而深於治事民安有不慮者乎然未知其尤之有無而喻公輒自以邑之賢士大夫爲已任輔翼補綴以成其尹之賢雖尹之賢未必以此而決不以此爲尹之尤也則邑之多賢尹者邑之多賢士大夫之所致也固然矣夫豈獨一

邑之政爲然哉天子於民上下遼絕日月不照耀缶蟻蚊不能叫聞民之所憂者多矣朝有賢士大夫爲之輔翼補綴則天下之民安得不聖其 天子乎則知朝多賢士大夫則多聖君矣是豈獨一邑之政爲然哉

愛谿記

人莫不有所愛失其所愛則傷其衷人莫不有所資失其所資則困其生愛之而不失資之而不窮惟取天地自然而然者爲能然若金紫之貴珠玉之富或

者能削奪則貧之矣削奪而賤貧則失其所愛與資
將傷困之不暇求其夷然而樂坦然而安者必無有
也新安洪君伯周倣誠慤士跡履遍江湖聲聞滿
儒冠少孤而孝奉祖與母以居樂其志以資其生弄
長竿之清風披笠簑之煙雨飄然波濤邈焉寒暑勢
不可奪強不可撓蓋公休任公子之流於是以愛溪
自號而丐余記之余謂士之文處世失其所愛與資
奔走於不可得已之間俯仰於無可奈何之際蓋心
茲恐懼身措無地安能上傳而下音也得其所愛與

資而非其道以富貴自炫而驕其妻妾齊人也翻覆
酌量於兩三之間余則以爲洪君之計爲得故爲之
記

竹齋記

艸木花果之以人爲喻者甚多若松稱大夫桂子稱
仙友牡丹稱王海棠稱爲神仙艸稱虞美人龍眼稱
爲荔枝之奴惟竹稱君子世之王公大人朋友異人
神仙僕隸其薦厚淳慤者固多至若暴戾殘慝詭怪
顛蒙者中亦不少若一律而求爲君子之所歸豈可

得也然而上自王公下逮僕隸其中人品千態萬狀
其見君子則必敬必信以其薦厚淳慤而不暴戾殘
慝詭怪顛蒙我也雖軋以王公大人之勢要以朋友
之信義眩之以神仙之奇瑰詭怪粉白黛黑親之以
異人之姿執之以僕隸之勞皆不可得敬之信之如
君子者則人何患而不爲君子豈若花果艸木之生
質有一定之限而不可變者人固不若是也歟之異
君明道字存功別號竹齋君子人也可余記齋余謂
存功其知以薦厚淳慤自處而遠去夫暴戾殘慝詭
怪顛蒙者歟何不以松桂花草顏其齋而特以竹將
見人之敬信自王公大人以及乎僕隸無有間然者
吾嘗聞野人之說曰門內有君子門外有君子至存
功與竹迭爲賓主皆號君子門內門外之辨隨時而
定此非吾所能知若其自信以從君子之所歸則斷
然矣余故爲之記

筠隱記

筠之爲物也其圓應規其道應矩虛中足以容貞外
足以守故稱爲材合筠而他求取以爲材者則未能

備衆異之若是也豈惟筠哉夫人亦然故君子之以材稱者亦備焉一規一矩悉應法度由中達外無不當理是特筠之性特異於人耶蓋天之生材不備衆美則不能爲世用則必厚之異之出於等倫故筠之生森然而直其外蓋自規也毅然而圓其中蓋自虛也爲君子者取法乎此則上可以事君內可以事親律已以貞應物以虛無所施而不可矣秦君仁之有材之君子也和以處衆敬以方外言貌動止一由規矩所居之齋植筠爲俾朝退宴清必與相對故以筠

隱爲稱俾余記之竊謂筠與秦君皆天挺之美材也道誼相同契好自今法其美以爲己之美遠取諸物而近取諸身之入故秦君事今 睿主靖恭乃職農不怠沾沾休光隆重深益是蓋得筠之爲助不少抑亦秦君之善於取法也故爲記之

菊隱記

君子之處世不顯則隱隱顯雖異而其存心濟物則未有所不同者苟無濟物之心而汎然於雜處隱顯之間其不足爲世之輕重也必然矣君子處世而不足

爲世之輕重是與艸木等耳艸木有可以濟物者世猶見重稱爲君子而無濟物之心則又草木之不若也爲君子者何忍自處於不若艸木之地哉吾於此重爲君子之羞艸木與人相去萬萬而又不若之則雖顯者亦不足貴况隱於山林丘壑之中者耶吾友朱君大涇世精瘍醫存心濟物而自號曰菊隱菊之爲物草木中最微者隱又君子沒世無稱之名朱君君子也存心濟物其功甚大其名甚著固非所謂汎然雜處於隱顯之中者而乃以草木之微與君子沒

世無稱之名以自名其心何耶蓋菊乃壽人之草也南陽甘谷之事驗之矣其生必於荒岑郊野之中惟隱者得與之近顯貴者或時月一見之而已矣而醫亦壽人之道必資草木以行其術然非高蹈之士不能精而明之也是朱君因菊以隱者若稱曰吾因菊而顯又曰吾足以顯夫菊適以爲菊之累又何隱顯之可較云余又竊自謂曰朱君於余友也君隱於菊而余也隱於酒對菊命酒世必有知陶淵明劉伯倫者矣因繪爲圖而并記之

王氏澤富祠堂記

徽歛多世家澤富之王景旻氏是其一也先自唐祕閣校正諱希羽者自宣徙徽生延祚延祚生明在宋建隆初仕至廣州太守四世孫奉宗考槃丘園遁跡不見而族益著大乃景旻之始也王氏旣稱故家其支庶子姓蕃衍豐殖蓋有自然而然者景旻思所以合聚而束之以禮乃爲屋若干楹於所居邨野之中以祕閣爲不遷之祖廣州與奉宗配焉迨及後世旣祧之主皆合居於中婁臘歲時率宗族子姓以奉薦

享所爲就緒而景旻不祿其子友格暨叔父景遽繼志述事舉族內之賢能者凡六人曰某宣叶乃力於是祠事大備祭則有田收其入以爲俎醢酒腥之用職事有人以司衣服邊豆尊彝之器歲祭則宗長咸在拜獻有常餼燕有寢序列有位穆然先王之遺風由是王氏之子弟彬彬禮文皆景旻之遺力也禮云五經之內惟祭爲大所以合同姓序尊卑辯賢不肖也蓋別子小宗雖自得爲不遷之主而其子孫猶助祭於大宗之廟則同姓合矣昭與昭齒穆與穆齒伯

唐何氏系表卷之一
氏叔氏上下列位而尊卑序矣賢者冕而盡事不肖者并而盡力賢不肖辯矣此先王之遺制而景旻首舉行之又可謂知所務矣王氏後世之子孫苟知所務不替斯舉使世德族系百萬斯年與此祠俱隆豈不得爲徽歛之偉觀也哉弘治乙丑余行旅過徽友格以幣交故爲記其事云

誌銘

徐廷瑞妻吳孺人墓誌銘

孺人姓吳氏諱素寧蘇之長洲人大父某母王氏生

正統甲子二月二日年十七歸徐廷瑞正德戊寅十月初九日卒得年七十以卒之年十二月八日葬武丘鄉子雯娶何氏女三長適葉璋次適寅次適張銘孺人性好紡績自廟見而抵於疾幾六十年自旦至莫未嘗一日不在筐篚之側雖祈寒盛暑不廢也性稟節儉蠶鹽之外不求兼味及不好佛事自信以爲修短有筭禍福有數天道不可邀冀得也故梵呪之音未嘗出口寅爲女壻三十年內言不聞非儀兩絕親所豫見故爲銘其墓之戶銘曰孺人之德兮紡

績是躬沒齒不怠今繭絲寔工啟予全歸今在此曲
室中福利後昆今萬世無窮

墓表

吳君德潤夫婦墓表

吳君德潤卒柱國太原公誌其墓曰余門弟子也寔
才且賢大司寇彭城公曰德潤余筆研友也爲文其
碣其子東又丐據二公之詞以表之按德潤諱裕大
父有成父孟恭母施氏俱高蹈自晦生君髫鬣夙成
九歲補府學弟子文名籍甚有司以高選七舉入場

屋不得第馳騫塵埃中者幾五十年昏燈曉研不勝
疲勞以糜食積年資貢成場計偕得官年將不可待
矣於是謁歸故鄉家素號 資門樾臨通渠巨區臨

其 姑蘇諸山映帶之君爲樓其間扁曰海天烟林
雪浪日接几席又二十年以卒配金氏弋陽縣諭式
周之妹有賢德行以君胤嗣未繁爲納側室陳氏以
恩禮接遇之有美嬌之風焉君與孺人生卒皆同年
自景泰壬申抵正德丙子得年六十有五東娶俞氏
例受醫學正科未卽真孫三娶某君少力學英邁出

一時坎壈至衰老不遇知賞囂然拂衣將放歌山水
間以適其性爲高養與鍾鳴漏盡不知休息者異矣
且其溫恭靖嘉居鄉閭以朴素廉介稱而遇宗黨中
類周贍不遺出處不苟且與時存沒不違其常吉君
子之人也是爲表之

書

又與文徵仲書

寅與文先生徵仲交三十年其始也邛而儒衣先太
僕愛寅之俊雅謂必有成每每良燕必呼共之爾後

太僕奄謝徵仲與寅同在场屋遭鄉御史之謗徵仲
周旋其間寅得領解比至京師朋友有相忌名盛者
排而陷之人不敢出一氣指目其非徵仲笑而斥之
家弟與寅異炊者久矣寅視徵仲之自處家也今爲
良兄弟人不可得而間寅每以口過忤貴介每以好
飲遭鳩罰每以聲色花鳥觸罪戾徵仲遇貴介也飲
酒也聲色也花鳥也泊乎其無心而有斷在其中雖
萬變於前而有不可動者昔項橐七歲而爲孔子師
顏路長孔子十歲寅長徵仲十閱月願例孔子以徵

唐何遜詩集卷之一
仲爲師非詞伏也蓋心伏也詩與画寅得與徵仲爭
衡至其學行寅將捧面而走矣寅師徵仲惟求一隅
共坐以銷鎔其查滓之心耳非徼徼以爲異也雖然
亦使後生小子欽仰前輩之規矩丰度徵仲不可辭
也

疏文

治平禪寺化造竹亭疏

竊聞調御丈夫身無利而不現歲寒君子心體寂而
長虛孰云艸木之無知皆是龍神之擁護茲者治平

禪寺構基南渡勝槩東吳聖凡同所皈依湖上鍾其
秀麗莊嚴佛土孰云寸艸不生回向塵勞便是六根
清淨是以秀崑和尚擊節而悟空清平禪師指筭而
說法意欲前輩僉發中情謀建竹亭翼輔藹若清波
池水足詠檀欒土地伽藍冥空鑒證撰茲尺牘用告
大方開三徑以招賢看筍根之稚子種十箇以醫俗
延林下之清風幸括餘貲共成勝事謹疏

啟

送廖通府帳詞啟

代

唐何陋文集卷之十一
竊以星分牛斗姑蘇彈壓江東職列賓僚糧餉總司
判左委付爲 朝廷之重寄疆域寔天地之奧區妙
選賢才方爲注授蓋出祖宗之成憲俾求民物之又
安恭惟汝南廖大人先生世德之英華名門之領袖
白雲駐集元豐推正字之博文世綵名堂紹聖仰中
丞之盛事鳳毛異彩麟趾多仁發跡賢科啓萬里青
雲之路超登仕版開一方赤子之天學則爲四庫之
宗師政則爲多方之矜式冰清蘂苦律身之道有常
鏡定衡平宰物之權無爽歲輸三百萬事集而民力

不勞考最第一人銓擬而衆心皆服三年報政將獻
績於虞廷千里飛裝聽歌駒於祖道某忝同僚竊猥
攝篆於應宿之司久浹音輝感贈言於各天之別偕
謀同事共舉離尊詠秋水之芙蓉輒成短調攀閭門
之楊柳佇看高遷朝陽而鳳皇鳴應召公之雅什海
運而鷗鵬徙符莊子之真經詞曰蓮花幕府滯仙才
梓葉秋風謁帝臺七縣蒼生攀四馬一輪明月上三
台○雞唱發別尊開佳名先自動春雷調和鼎鼐梅
鹽味專待蒼龍大手來

右調鷓鴣天

贊

鍾馗贊

烈士骨不可屈烈士精久乃靈
瞋爾目階可觸正爾心邪可擒
欽爾風望爾容魑魅罔兩咸潛
踪千秋之下真英雄

達摩贊

這箇和尚叫做達摩一語不投機
九年面壁坐人道是觀世音化身
我道他無事討事做

題竹堂寺壁

又贊

兩隻凸眼一臉落腮有些認得
想不起來噫是踏蘆江上客一
花五葉至今開

釋迦如來贊

西方有大聖人不言而自信不治而不亂
巍巍乎獨出三界之外名之爲佛

友人贊

大耋之年大隱之侶雞豚膾臘裘葛寒暑
詩書雍雍子孫楚楚與彼同歸吾其與女

伯虎自贊

我問你是誰你原來是我我本不認你你却要認我
噫我少不得你你却少得我你我百年後有你沒了
我

第十二尊十渡波山那迦犀那尊者贊

大坐斜身，兩手相隨，偏欹如排山之勢，左
右同

戒月含霜，性海空七，聖貨財施不窮，海爲醉酪，地爲
金

唐伯虎先生外編續刻卷之十一

吳趨唐 寅伯虎著

同郡何大成君立輯

疏

姑蘇寒山寺化鐘疏

木鐸循於道路，周官所以警其頑；愚銅鐘司其晨昏，
釋氏所以覺夫靈性。解魔王之戰鬪，上振天宮；緩衆
生之悲酸，下聞地獄。所以提婆尊者現神通而外道
無言，本寂禪師悟真筌而古德讚頌。實名法器，厥號

大音本寺額號寒山建始
殿宇麤備銅鐘未成
月落烏啼負張繼楓橋之句雷霆鼓擊愧李白化城
之銘今將鼓洪爐以液精金範土泥而鑄大樂舉茲
盛事用扣高賢增北山門惟祈樂施啟千門之曉潛
蟄皆興夙萬戶之昏魚龍盡息莊嚴佛土利益人天
慧日增明福田不薄以茲疏告仰冀垂明偈曰
姑蘇城外古禪房擬鑄銅鐘告四方試看脫胎成器
後一聲敲下滿天霜

戊寅八月十四夜夢草制其中一聯云

八開泰運咸集璠管之文章民復古風大振金陵之
王氣

題畫竹三聯

寒雨落空翠涼蟾疎影青


新梢只帶粉繁影脆抽心

新秋影牕明月落高人欹枕宿醒醒

題周東邨畫

愛聽流泉沁詩骨步臨幽境解塵襟

唐伯虎虎墨銘



唐伯虎先生外編續刻卷之十二

吳趨何大成君立輯

戊午鄉試題名錄

弘治十一年應天府鄉試

考試官

奉直大夫司經局洗馬梁儲

叔厚廣東順德縣人
戊戌進士

翰林院侍

讀劉機

世衡順天府大典縣人
戊戌進士

第壹場

四書

古之欲明明德 脩身為本 禮之用 小大由之
然而無有乎爾 無有乎爾

易

乾元亨利貞 刊 九二大車 往无咎

是故易有大極 著龜 刊 百官以治萬民以察

書

禹曰都帝慎 帝曰兪 刊 涇屬渭汭 澧水攸同

自殷王中宗 四人迪哲 刊 斃明于刑帝 享在下

詩

求之不得 輾轉反側 信彼南山 南東其畝

何求為我以戾庶正 刊 有客有客 降福孔夷 刊

春秋

盟蔑 盟宿 祭伯來 元隱

遷夷儀 城邢 元僖 城楚丘 二僖 侵伐次陘 完盟召陵 僖四

盟洮乞盟 僖八 會厥慙 昭十 會黃父 昭二 十五 刊

禮記

毋不敬 而能遷 天子乃教於田獵 四方 刊

夫樂者先王 飾喜也 仁有三 畏罪者強仁 刊

唐伯虎詩集卷之十一

第貳場

論

聖人所以作經之意

詔語表 内科一道

擬漢令二千石察其官屬及郡國被災疫者毋出

今年租詔 元康二年

擬唐以涼州都督李大亮為西北道安撫大使誥

貞觀四年

擬宋尚書度支員外郎勾當三班院曾鞏請賜唐

六典表 元豐二年

判語 五條

官自襲廕 人戶以籍為定 致祭祀典神祇

屏去人服食 修理倉庫

第參場

策 五道

第一問 三王優勝國而多因其政 聖祖優勝國而盡革其政

第二問 三代君臣相與誠忠 漢唐宋有所不及

第三問 漢唐宋變亂成法有害 今日持守變通何主

第四問

天地陰陽造化之理

第五問

治兵馭將以備邊

中式舉人一百三十五名

一名唐寅 蘇州府學附學生 詩 二名陸山 長洲縣學 易

三名孫溥 池州府學 書 四名李汛 徽州府學 春秋

五名杜瀾 淮安府學 禮記 六名盛儀 江都縣學 易

七名吳巒 宿松縣學 詩 八名朱庸 無錫縣學 書

九名李璞 龍江右衛 籍儒士 易 十名趙榮顯 京衛武學 書

十一名陸景先 松江府學 增廣生 詩 十二名曹憲 松江府學 生 書

十三名孫鶚 上海縣學 增廣生 詩 十四名楊果 興化縣學 易

十五名方學 無錫縣學 生 詩 十六名周明弼 吳縣 書

十七名姚隆 應天府學 生 詩 十八名杭東 崑山縣學 增廣生 易

十九名張憲 鳳陽府學 生 詩 二十名唐澤 徽州府學 生 春秋

二十一名曹銓 句容縣學 生 詩 二十二名陳鏞 泰興縣學 生 易

二十三名姜岐 松江府學 增廣生 詩 二十四名朱應登 寶應縣 儒士 書

二十五名黃岳 浙江嘉善縣人 監生 詩 二十六名劉楷 京衛武學 生 禮記

二十七名王錫 常熟縣學 生 詩 二十八名李淳 安慶府學 生 易

二十九名馬玉 泗州 生 詩 三十名蘇遨 句容縣學 生 書

三十一名宋大章 太湖縣學 詩

三十二名陳猷 丹陽縣學 書

三十三名張貴 崑山縣學 詩

三十四名童仁 安慶府學 易

三十五名沈炤 嘉定縣學 詩

三十六名李時 鎮江府學 書

三十七名程相 祁門縣學 增廣生春秋

三十八名王奎 常州府學 詩

三十九名吳建 長洲縣學 增廣生

四十名左暹 涇縣 監生 詩

四十一名徐璋 崑山縣學 增廣生 易

四十二名桂鏊 池州府學 詩

四十三名王本 江寧縣 籍儒士 書

四十四名張鎧 九江衛官 籍監生 詩

四十五名胡楷 望江縣學 書

四十六名唐天恩 常熟縣學 附學生 詩

四十七名陳榮 嘉定縣學 易

四十八名王俸 長洲縣學 附學生 詩

四十九名牛璠 淮安府學 禮記

五十一名錢祭 桐城縣學 詩

五十一名段善 寧國縣學 書

五十二名陳鯤 吳縣 易

五十三名姚權寶 江陰縣學 附學生 詩

五十四名王棡 金壇縣學 書

五十五名錢貴 長洲縣學 易

五十六名黃鎧 蘇州府學 增廣生 詩

五十七名高贄 江陰縣學 增廣生 書

五十八名李時 休寧縣學 春秋

五十九名石雲 江都縣學 詩

六十名龔坤 崑山縣學 增廣生 書

六十一名張蹈德 旌德縣學 監生 詩

六十二名張堯輔 靈璧縣學 監生 易

六十三名董珪 涇縣學 生 詩

六十四名曹英 無錫縣學 附學生 書

六十五名王芳 五河縣學 監生 詩

六十六名顏翀 丹陽縣學 生 易

六十七名徐昇 蘇州府學 增廣生 詩

六十九名方鳳 崑山縣學 增廣生 易

七十一名朱嘉慶 寶應縣學 附學生 書

七十三名胡偉 合山縣學 生 書

七十五名唐恩 嘉定縣學 增廣生 易

七十七名程文 婺源縣人 監生 書

七十九名蕭承恭 江西吉水縣人 監生 詩

八十一名王恩 宜興縣學 附學生 詩

八十三名顧欽 應天府學 生 書

六十八名周鵠 華亭縣學 增廣生 書

七十名李懋 鎮江府學 增廣生 禮記

七十二名潘敬 舒城縣學 生 詩

七十四名章諍 太湖縣學 生 詩

七十六名王傑 天長縣學 生 詩

七十八名張桓 儀真縣學 生 易

八十名汪濟民 婺源縣學 增廣生 春秋

八十二名尤樾 長洲縣學 生 易

八十四名張暉 無錫縣學 增廣生 詩

八十五名史良佐 太醫院 醫士 易

八十七名潘珍 婺源縣學 附學生 書

八十九名宋貴 如阜縣學 生 詩

九十一名張珠 婺源縣學 增廣生 禮記

九十三名許顯 江寧縣 儒士 書

九十五名沈謙 蘇州府學 生 易

九十七名張維 松江府學 生 書

九十九名蘇顯 湖廣桃源縣人 監生 書

百一名楊本 江都縣學 生 易

八十六名陸應祚 銅陵縣學 生 詩

八十八名顧蘭 長洲縣學 增廣生 詩

九十名陸應龍 長洲縣人 監生 易

九十二名顧瑛 太倉州人 監生 詩

九十四名呂祚 常熟縣學 生 詩

九十六名胡忠 宜興縣學 附學生 詩

九十八名周坤 常熟縣學 生 詩

一百名曩諒 福建莆田縣人 監生 詩

百二名朱洪 蕭縣學 生 詩

百三名謝溥 徽州府學 生 春秋

百五名沙鵬 揚州府學 生 易

百七名蔡儒 鳳陽府學 生 書

百九名華綸 應天府學 生 易

百十一名易綦 錦衣衛軍籍 生 書

百十三名步槐 廣德州學 生 禮記

百十五名吳棠 無錫縣學 生 書

百十七名景賜 應天府學 生 易

百十九名陳伯魁 湖廣攸縣人 監生 書

百四名曹崑 建德縣學 生 詩

百六名張聰 和州學 生 詩

百八名凌雲 上海縣人 監生 詩

百十名張萱 松江府學 生 詩

百十二名羅仁 江西豐城縣人 監生 詩

百十四名邵道宗 太平縣學 生 詩

百十六名鄭溥 徽州府學 生 詩

百十八名湯峻 武進縣學 生 詩

百二十名陶成 常熟縣學 附學生 詩

百十一名董銀 涇縣學 生 易

百十三名江賢 徽州府學 生 春秋

百十五名沈鰲 嘉定縣人 監生 易

百十七名金鏡 應天府學 生 詩

百十九名胡兆 江西龍泉縣人 監生 詩

百二十一 名陳輔 松江府學 生 詩

百二十三 名李時修 福建南平縣人 監生 詩

百二十五 名陸鍾 長洲縣學 生 書

百十一名張鈞 南陵縣學 生 詩

百十三名劉乾 靖江縣學 生 詩

百十五名蔣朝用 六安州學 生 書

百十七名孔彪 廬州府學 生 書

百十九名陳綸 應天府學 生 易

百二十一 名楊輔 邳州學 生 書

百二十三 名嚴敬 松江餘姚縣人 監生 禮記